

Колхоз бусы

Тулус бусы уж'ёс

Ю кизён уж'ёсты йылпум'яно жог но выли зечлыкен

Котегурт сельсоветлэн председателз Лекомцев эш 28 мае ивортыз:

— Сельсоветысь Изнегвай колхоз, кытын председателз К. Шкляев вазь яровой культураос кизён планзэ быдэстиз.

Та колхоз районысь котькуд колхозлэсь кизёнзэ соин самой азьло быдэстиз, гырисьёс, кизисьёс но мукет'ёсыз ужасьёс куспазы соревноваться кариськизы. Сельсоветлэн депутатэз М. С. Тронина нуналлы быдэ 1,72 гектарозь гырылиз, ю кизись Д. И. Шкляев 5,36 гектарозь кизылиз. Нормаосты мултэсэн быдэс'язы мукет'ёсыз но колхозник'ёс, кудиз обеспечить кариз ю кизёнзэ быдэстнын колхозлы районын нырысь интые потыны.

Кемалась дыр вуэмын ни тулус ю кизёнзэ йылпум'яны Изнегвай колхоз сямен ик районысьтымы вань колхоз'ёслы но. Нош озы ке но 31 майлы асьме районын 66 процент сяна кизён быдэстэмын овол на. Азинлык'ёс туж пичнесь.

Куазь туэ кезыт но зоро улэмен, люкетиз кулэез'я бусы уж'ёсты ырзытыны. Куазьлэн таңе портэмлыко луэмез колхоз'ёслэн но МТС-лэн кивалтисьёсы азе бадзьмесь курон'ёс пуктэ вал. Нош тае соос валаса өз быдтэ. Трос дыр'я асьмелэн тазы луэ: ожит зор перевал од'я ке бусысь кошко ни. Собере ик куазь тупатскыса но вуэ, нош бусые мынисьёс овол. Таңе куазен тазы ужаны уг луы. Бигатыны кулэ куазьлэн кыңе луэнез'я маневрировать карыны.

Одиг час но куазьлэсь умой дырзэ озы гинэ лэ-

зыны уг луы. Зор'ёсын йырин бусы уж'ёсын перерыв'ёс луон дыр'я но колхозник'ёслы но тракторист'ёслы бусые ик кылыны кулэ, чтобы ожитак луонлык кылдиз ке соку ик нош ю кизён борды кутскыны мед быгатод.

Конешно Сепож сельсоветысь Беляево колхозын кадь уж организовать каремын луиз ке, кизёнзэ вакчи дыре уд йылпум'я. Татысь колхозлэн председателз Галичанин жытазе интые яке быдэс пятиневкалы интые ужан мынон нуналэ чукна гинэ наряд сёт'ялля. Озы колхозник'ёслы уже мыныны вераменнызы котькуд вал'ёсты сюдонлы чукна 2-3 час дырзы быре.

Тазы уез организовать карыны быгатымтэ сярысь мукет куд колхоз'ёсысь но пример'ёс вераны луысал. Уг яра тазы уез пуктыны.

Чидантэм таңе положение но, что районысьтымы Камайлуд, Бырдась, Шабалюк, Вьлгурт, Изошур, Узьирмон, Р-Кожей, Башмаково но Б-Пурга колхоз'ёс етйн кизён борды 26 маёз но өз кутскылэ на вал. Кизёнзэ кыдэке кыскыны но кызы но уг яра, тазы ужим юлэсь удалтонлыкэс синтэ.

Нош вераны кулэ, туэ арын юлэсь удалтонлыкэс жутонын бадзьмесь луонлык'ёс вань. Малы ке шуоно муз'емын туэ арын влагаез трос, куд'ёсыз отчы кылызы толалтэ но тулус осадок'ёслэсь. Сое использовать карыны быгатано, ю кизён уж'ёсты жог йылпум'яса но выли зечлыкоен кизыса.

Изнегвай колхоз кизензэ быдэстиз

Котегурт сельсоветысь Изнегвай колхоз 27 мае вазь зерновой культураос'я кизён планзэ быдэстиз. Кизёно вал 95,19 гектар зерновой но 17 гектар технической культураос. Таос ваньмыз киземын.

Кык лемехо плуген гырысьёс С. Д. Корепанов, М. С. Тронина, А. Г. Корепанов, В. В. Корепанов но 13 рад'ем сеялкаен кизись Д. И. Шкляев норматоссэс ялан мултэсэн быдэс'язы.

А. Корепанов.

Бере кылхэс колхоз азьмынисьеслэн радазы потыны нюр'яське

Котькинлы тодмо, что кытын ке труд шонер организовать каремын, отын котьмар уж'ёс но ас дыраз но выли зечлыкен быдэс'ясько. Басьтом Сепож колхоззэ. Та колхозын труд шонер организовать каремын ой вал, колхозник'ёс чукна 8-9 часын уже пото вал. Соин сэрэн ик та колхоз районысьтымы азьмынись колхоз'ёслэсь кылыса мынйз.

Туэ та колхозын уж быдэсак мукет сямен пуктэмын. Колхозник'ёс чукна бусы уж'ёсы 4 часысен мыно. Озы соос ю кизённын но гыронын нуналлы тупатэм нормаосты мултэсэн быдэс'яло.

Колхозлэн председателз А. П. Ощепков колхозын трудзэ шонер организовать карыны быгатэмын, Сепож колхоз азьмынись колхоз'ёслэн радазы потыны нюр'яське. Туэ та колхоз Сепож сельсоветысь колхоз'ёс пöлысь, ю кизёнзэ нырысен быдэстыны вылысь нюр'яське.

Иванов.

Тулус ю кизенлэн мынэмез сярысь райзолэн сводкаез (31 майлы процентэн вераса)

Сельсовет'ёс	Кизён-лэн мынэмез	Кöня инты басьтэ
Тюптиневской	68	5
Чубоевской	55,3	10
Котегуртской	72,6	1
Сепской	69	3
Карачумской	71	2
Быдзимошурской	63	8
Зуринской	67,3	6
Ключевской	67	7
Сепожской	58,7	9
Б-Пургинской	68,4	4

Ваньмыз район'я 66



Чувашской АССР-ысь, Ибресинской районысь Крупскойлэн нимыныз нима колхозлэн пасекаяз.

Иностранной телеграммаослэн обзорзы

Английской „Худ“ линкорез но германской „Бисмарк“ линкорез выитон. Средиземной моревын но Крит вылын военной действоос. Северной Африкаын но Иракын военной действоос.

Кызы ивортылськиз ни, 24 мае Атлантической океанлэн северной люкетаз английской но германской военной корабльёс куспын морской бой орчиз. 22 мае германской линкор „Бисмарк“ но выль германской крейсер „Принц Евгений“ Бергенсь (Норвегия) потызы. Английской морской министерство сётыз приказ та корабльёсты кутыны. 24 мае югыт луыку английской линейной крейсер „Худ“ но линкор „Принц Уэльский“ соин бое вступить каризы. „Бисмарк“ „Худз“ выйтиз но пегиз. 26 мае английской воздушной разведка шараяз „Бисмаркез“, куке со Францилэн яр дур'ёсаз мынэ вал. Уйшоре „Бисмарк“ поразить каремын вал торпедо, кудиз куштэмын самолетысен, но ыштыз управлениз. 27 мае чукна вуизы английской корабльёс но выйтзы сое.

„Худ“ крейсерысь 1341 мурт пöлысь куинез гинэ—одиг офицер но кык матрос'ёс гинэ спасить кариськизы. „Бисмарк“ линкорысь подобрать каремын сю мург.

Средиземной моралэн бассейназ ожесточенной нюр'яськоч'ёс мыно Крит остров понна. Германской командование выль подкрепление перебрасывать каре. Английской данной'ёс'я островын та дыр'я оперировать каро 30 курс германской но көня ке итальянской солдат'ёс. Германской войскоос островысь Кания но Гераклион город'ёсты занять каризы. Английской, новозеландской но греческой войскоос юн пумит'ясько противниклы.

Рейтер агенстволэн специальной корреспондентэз, кудиз находится кариське английской средиземно-мор-

ской флотлэн одйгаз судаз, Критлэн яр дур'ёсысьтыз воздушной но морской боез шуэ величайшой нюр'яськөнэн, кудиз таңе ноку но ой вал на. Германской ланной'ёс'я выйтэмын дас одиг английской крейсер'ёс, тямые эсминец'ёс, одиг подводной лодка но вить торпедной катер'ёс.

Северной Африкаын германо-итальянской частьёс нош ик кутскизы наступательной действоос английской кужым'ёс пумитэ. Египетской границаез потыса, соос занять каризы Хальфайа горной проходзэ но Соллума котырысь позициясты.

Абиссиниын итальянской войскоос куд интыосын ялан пумит'ясько на, но соослэн положенизы иностранной печатен дун'яське туж секыт луэ шуыса.

Иракын основной бойёс паськытало западной фронтын. Рамади но Рутба район'ёс куспын, иракской командованилэн сведениосыз'я ортчизы ожесточенной сражениос, кудиз дыр'я англичан'ёс ыштзы 300 мурт быремен но ранить каремын.

Кызы передавать каре Юнайтед Пресс агенстволэн корреспондентэз, адымиос, куд'ёсыз вуо Иракысь утверждать каро, что иракской войскоослэн операциясы почти дугдызы боеприпас'ёс но авиационной бензин тырмымтэен. Иракской войскоос, кызы адзиське, англичан'ёсты атаковать карыны уз быгатэ. Английской войскоослэн колонназы, азыланаз гожтэ корреспондент, Рамади пункт доры чаль продвигаться карисько, соослы ожит гинэ сопротивление басьто разроженной иракской отряд'ёс. (ТАСС 31 май).

Всеюзной сельскохозяйственной выставнаын



„РСФСР-лэн Центральной област'ёсаз“ павильонын Ярославской област'лэн залаз Ленинлэн нимыныз нима колхозлэн (Некоузской район) стэндэз. Колхоз 4 ар чоже 64 гектар площадьысь котькуд гектарысь шор лыдын вераса, котыр 3,9 центнер етйн мертчанлэсь урожайзэ но 156 гектар площадьысь котькуд гектарысь 15,5 центнер зерновой культураослэсь урожайзэс басьтыз.

Москва
 13
 Архив
 Копия
 13

ПРОВЕРОЧНОЙ ИСПЫТАНИОСЫН

Школаосын проверочной испытаниос ортчытысько, что бы дышеткисьлэсь умой то дэмзэ шараяны понна но мукеша старшой класс'ёсы азиялык переводить карон понна. Соин ик дышеткисьёслы курон'ёс справедливоесь луыны кулэ. Дышеткисьёс но пулэтысьёс дышетскон арэ йылпум'ян та ужлы бадзым ответственостен относиться кариськоно луо.

Верано луэ, асьмелэн дышетисьёс бжит өвёл, куд'ёсыз асьсэ обязанностьысто чотно но добросовестно относиться карисько. Со адзиське испытаниослэн куд результат'ёсы вылысь. Котегуртской начальной школаысь дышетись В. А. Стрелкова эшлэн дышеткисьёсыз быдэс дышетскон ар чоже умой дышеткисы. Испытаниос одйг дышеткись гинэ урод выдержат кариз. Сепской НСШ-ысь удмурт кыл'я дышетись В. В. Корепанов эш удмурт кыл'я диктант ортчытыкуз 25 дышеткисьёс пöлысь одйгез гинэ урод гожтйз, кылем'ёсыз умой гожтйзы.

Испытаниослэн мынэмзыя трос шараяско тырмытэос но. Лудянской НСШ-ын испытаниослы расписаниос умойтэм лэсьтэмын. Куд нунал'ёсы вань класс'ёсын испытаниос луо, даже ассистент'ёс но уг тырмо, нош куд нунал'ёсы вань класс'ёсын консультаиос луо.

Ключевка НСШ-ын испытаниоссы умой организовать каремын өвёл. Вань одйг кадь класс'ёсын одйг нуналэ испытаниос ортчо. Со сяна школалэн директорез Л. Н. Чуватина 4, 7 но 10-тй класс'ёсын испытаниос сярись Наркомпросэн тупатэм срок'ёсты искизичать кариз. Сэре татын та же но тырмытэоссы вань: испытаниос ортчытыны билет'ёсы пыртэм воп-

рос'ёслы дышеткись ответ сётыны уг ке быгаты, соку дышетись ачиз та вопрос'я валэтыны кулэ. Та школаын тазы ой вал. Испытаниосын бадзым ролез ассистентлэн. Испытаниос ортчытысь дышеткисьлэн советчикез гинэ өвёл, консультантэз но луэ со. Таин чош ик со контролировать каре испытаниосты шонэр ортчытэмез.

Озы ке но куд школаосын ассистентлэсь рользэ уг валало. Зилайской начальной школаысь дышетись Я. П. Игнатев эш удмурт кыл'я тямс дышеткисьёслы не заслуженно повышенной оценкаос сётыз. Нош ассистент А. М. Верещагин эш та же умойтэм повышенной оценкаосын согласиться кариськиз.

Уд-Кожейской начальной школаысь ассистент А. В. Шкляев (Б-Пурга НСШ-ысь дышетись) зуч кыл'я письменной ужез дышеткисьёслы успеваемость 56 процент интые 90 процент пуктйз. А. В. Шкляевлы таин өз тырмы, Чумойской начальной школае мыныса, татын но дышеткисьёслэсь отчеткаоссэз тупатэм. Посредственнойысь хорошее, плохо отметкаез посредственно пуктэ.

РСФСР-ысь наркомпрослэсь инструкцизэ нарушить карон случайёс вань Зураысь средней школаыно. Инструкциын вераське, что 10-тй классын испытаниос дыр'я комиссиос луыны кулэ, кудаз председателез мед луоз школаэн директорез. Со сяна ассистент, дышетись но районнысь представитель. Но школаэн директорез А. А. Смирнов тае вунэтэм. Татысь 10-тй классын испытаниос дыр'я ассистент но дышетись гинэ пуко.

Веран тырмытэосыс испытаниос палэнтосно.

РОНО-лэн школьной инспекторез Н. В. Федоров.

Ляб ужась комсомольской организации

Карачум колхозысь первичной комсомольской организациилэн секретарез Поздеева ас ужась урод относиться карисько. Со сентябрь толэз тырысен комсомолец'ёсын 3 пол гинэ собрание ортчытйз ни. Комсомолец'ёслэсь взнос'ёссэс дыраз уг октылы. Соос пöловны ноке че раз'янительной уж уг нуиськи. Комсомолец'ёс газет'ёс но журнал'ёс уг басты. Асьсэлэсь политической уровеньзэс жутон бордын уг ужало.

Ог'я вераса, та организациын трос тырмытэоссы. Соосты палэнтны понна ВЛКСМ райкомлы юртоно луоз.

А. Корепанова.

Милем гожто

Тюптиево сельсоветысь Квалуд колхозын 8 мае вал'ёсын чош пичи чуниез азбаре поттыса сое вал чыжыса вииз. Со понна колхозлэн правлениез старшой конюхез Чирковез суд улэ кыскем интые, солы 100 манет штраф тырыны понйз, кудзэ колхозлэн правлениез судтэж поныны уг быгаты. Та факт вера, что колхозын вал'ёслы умой-умой саклык вис'ямтэ. Колхозлэн председателез Чирков пудоосты умой утялтонэ колхозник'ёсты мобилизовать уг кары.

* * *

Та сельсоветысь ик Тюп-тишурйыл колхозын но ужпум та же ик пуктэмын. Татын но пудоослэн бырон случайёсы вань. Тани одйгзэ порозпиез ветсанитар Ершов кудзем дыр'яз кастрировать кариз но солэсь мочевои пузырьзэ вандэменыз, порозпиез вынуждено вандоно луизы. Ф. Попов.

„Троицалэн“ кылдэмез

Куинь сю сюрслэсь нортос талэсь азыло, Палестинаын кукке еврейёс муз'ем ужаны кутскисы (солэсь азыло соос кытöвдывоен) заниматься карыськылызы), соку соослэн нимысьтыз муз'ем ужанлы сйзыса праздник'ёсы потйзы. Одйгез сыче праздник аслыз ним „аран“ яке „пятидесятница“ шуыса басты. Со праздник бусысы ю уж'ёс быдэсменен валче тупатэмын вал, а бусы уж'ёс соку Палестинаын 50 нунал кыстиськылызы.

Еврейской жрец'ёс религиозной праздник'ёсты берло ас сяменазы воштыса соослэсь кытысь потэмзэс мукет сямен валэктйлызы. Кылсярись, соос вераллязы, что „Пятидесятница“ луэ важкала дыр'я тупатэм праздникин—Синай гурезь вылын инмарен сётэм „законлэн“ праздникез. Жрец'ёс выдумать карылызы сыче осконтэм кыл'ёсты но, что Синай гурезь вылын луиз чудо; инмарлэн куараез, пе, жуась кыл'ёс кадь омырын возматскиз и со котыктычы умой кыл'ёскыиз, муз'ем вылын ульсь калык'ёслы ваньмызы валамон вал...

Христиан'ёс еврейской „пятидесятнице“ асьсэ понна каризы, но со сярись асьсэлэсь валэктон сётйзы. Соос вераллязы, что великэтэм бере 50 нунал орчем бере христос, пе, аслэсьтыз апостол'ёссэ быдэс миретй христиан'ёс учениез валэктны келяз, но луиз „чудо“: апостол'ёслэн йыр йылазы, пе, жуась тыл кадь кыл'ёс возматскизы и собере со апостол'ёс вераськыны быгатйзы муз'ем вылын вань ульсь калык'ёслэн кыл'ёсынызы. Со „чудоез“ буре вайыса ик тйни

тупатэмын вал „пятидесятница“ праздник но.

Калык пöлын со праздник „троица“ шуыса нимаськиз. Со ним сказка вылысь потэмн. Апостол'ёслы муз'ем вылын вань ульсь калык'ёслэн кылынызы вераськыны быгатыны юрттйз, пе, „святая троица“: бог—отец, бог—сын но святой дух.

Русьын „троица“ вуж важкала славяно-языческой праздникин луэ. „Семик“ нуналэ язычник'ёс удалтытйсьлэн духсылы жертвазэс нуулызы, со дух, пе, писпуос вылын улэ. Асьсэ лэс сь жертваоссэ соос „священной“ писпуослэн вайёсыз вылэ ошылйзы. Кудйз-огез славян'ёс „священной“ писпуосты чогыса асьсэлэн улон корка пушказы но пуктылызы. Озы соос „святой“ дух'ёсты гуртазы матэ кариськом шуылйзы. Со сям'ёс собере обычае пыризы, „троица“ котку но укно ул'ёсты корам кызыпуэн чебермань кутскизы.

„Семик“ праздник славян'ёс родителёс но родственник'ёс пöлысь кулэм'ёслэн лулзылы но жертва сётылызы. Та пумысен ик „троица суббота“ кулэм родителёсты помянуть карон сям но кылемын.

Вань мукет религиозной праздник'ёс музэн ик „троица“ инмарлы, духлы но чудесаослы нокизы оскыны луонтэм, вредной оскон'ёсын герзаськемын,

Советской Союзын поповской „троица“ кизем юослы уриськонзэ ортчытон вадесэ тупа. Соку уриськоньсы калыкез жегатон пумысен со „праздник“ сельской хозяйствойн бадзым из'ян сётэ.

Н. Румянцев

Ку умой ужаны кутскоз Зураысь столовой?

—Столовойн чылкыттэм. —Столовойн сион умой уг лэсьто.

—Ку столовой умой ужаны кутскоз.

Клиент'ёслэсь нуналлы быдэ тазы вераськонзэс кылод. Та же вераськем'ёс но та же требованиос законно луо, столовой умой ужаны, умоесь сион'ёс лэсьтаны кулэ.

Зэм но столовое пырыны мыл потано кадь ик өвёл. Маке-маке сярись вераськытэк, татын пласьконзы но умой-умой оборудовать карымтэ. Кызы ке столовойн, озы ик подсобной помещениосазы пол'ёсы чылкыттэмез, тусьты-пуньы миськон посудоссы озы ик кырсье сыномаылэмын, кухонной посудамос миськисько быректымтэ вуэн.

Абдрамон, кызы меда столовойлэн заведующоюз Сунцов но столовойысь ужасьёс та же чылкыттэмен тупаса уло?

Татын умой но чылкыт сион

лэсьтыны уг нур'ясько. Столовойысь ужасьёс асьсэлэн инициативазыя номыр но уг дасяло. Нош вераны кулэ татын ведь 22 мурт ужасьёссы ляд'ясько, соос мар меда карыса уло?

Мар асьме районнысь сйль, йёл, вöй, курегпуз быриз ни шат? Марлы столовойлэн та же урод ужаменыз тупаса уло Зураысь сельполэн правлениез но татысь председател'лэн заместителез Корепанов? Столовойлэн урод ужамез сярись тодэ райпотребсоюзлэн правлениез но солэн председателез Абашев.

Зураысь столовойлы образцово ужаны кулэ.

М. Ерохин

Зураысь типографилы кулэ наборщик яке печатник. Уждун ваче тупам'я.

Типографиня.

Ответственный редактор КНЯЗЕВА. Поттйсь Райсоветлэн Исполномез.

Районной бюджетэ заемлэсь отчислениос

Районной бюджетэ бадзым инты басты заем'ёслэсь отчислять карем средствоос. Тани 1939 арын потэм Куиньметй Пятилеткалэсь Государственной Заемзэ (кыкей арэзлэн выпускез) асьме районнысь трудячийёс 327 сюрс манетлы бастйзы. Та сумма пöлысь 142 400 манетэз передать каремын вал асьме районнысь местной бюджетэ. Нош кылем арын потэм Куиньметй Пятилеткалэсь Государственной Заемзэ (куиньметй арэзлэн выпускез) асьме районнысь трудячийёс 519 сюрс манетлы бастйзы. Та пöлысь 350 538 манетэз асьме районнысь интысь бюджетэ передать каремын.

Кызы адзьяське, заем'ёс не только государственной бюджетэз пополнить каронын, соослэн озы ик интысь бюджетэз пополнить каронын но туж бадзым рользы.

Кытчы использоваться карыско заем'ёслэсь районнысь кылем средствоос? Соосмыно трудячийёслэсь культурной но материальной улонзэс умоятонлы.

Асьме районнысь октябрьской революция луытозь больнивалы но врач'ёсы но ой вал. Али асьме районнысь врач'ёсын' но средней медицинской обслуживающей персоналэн больницамы вань. Школаос озы ик кöня ке гинэ ляд'яськизы. Али асьмелэн 19 начальной школаосмы, 5 неполно-средней но 1 средней школаосмы. Та школаосын 126 дышетисьёс 3980 дышеткисьёсты дышето. Бадзымез средствоос вис'ясько мöйности дышетонлы, сельской хозяйствоез азыланьын жутоны но мукет мероприятиослы.

Озы государственной заем'ёс советской граждани'ёслэсь улонзэс азинтонын туж бадзым инты басты.

П. Рогознев.

Государственной заемлэн тиражез луоз

Карело-Финской ССР-лэн столицаз Петрозаводск городын 7-8 июне Куиньметй Пятилеткалэн Заемезлэн (куиньметй арэзлэн выпускез) выигрышезлэн нырысетй тиражез луоз. Та тиражын 12000 выигрыш'ёс луозы 1,874.600 манетлы.

Та луоно тиражен валче заем'я комсод'ёслыно уполномоченнойёслы эшшо одйг пол эскероно на ваньмыз-а подписчик'ёс умой но шонер облигациос бастйзы ни. Малы ке шуоно, та тираж луытозь подписчик'ёслы заем'ёс вручить карыса тиражын участвовать каронлэсь лишитя кариськозы.

Соин ик котыкуд подписчиклы солы вуйсь облигациосты кытын ке вручить каремын өвёл, вручить кароно.